



5. augusti 2016

UKA 2016/70

Inatsisartut Suleriaasiat § 36 naapertorlugu apeqquteqaat aallaavigalugu oqallisissiaq matumuuna imaattoq saqqummiuppara:

Nunatsinni tunisassiornikkut atugassarititaasut pillugit, kiisalu tunitsiveqarnikkut periarfissaasuanikkullu aalisartunut ajornartorsiutit pillugit, aammalu aalisakkerivinni sulisussanik ajornartuuttarneq pillugu apeqquteqaat aallaavigalugu oqallinnissamik siunnersuut.

(Inatsisartunut ilaasorta, Hans Enoksen, Partii Naleraq)

Tungavilersuut:

Nunatsinni inuussutissarsiutit pingaarnersaat tassalu aalisarnej sulii ukiorpassuarni pingaarnersaajuassasoq takusinnaavarput, tassami aalisarnerup saniatigut allat kisimik tapertaasutut taaneqarsinnaapput, soorlu takornariartitsinermut tunngasut, aammalu annertugisassaangitsumik aatsitassarsiornermut tunngasut ilaatigut ingerlanneqartarlutik. Aalisarnikkut periarfissarititaasut assut ukiumi makkunani ilungersunartumik atuutsinneqarput, aalisartunut tunisiniartunut killilersuinerujussuit annertuumik atuutsinneqarput, isumaqarluinnarpugullu taamak inuussutissarsiutit pingaarnersaannik ingerlatsineq akuersaaginnarneqarsinnaangitsoq.

Aalisartut saarullinniartut aamma pitsaanerpaamik atugassaqartitaanngillat. Annertuumik killersuinerit ingerlanneqarput, uffalu saarullippassuit nalliussimaaraluartut, tamannalu aalisartunut aningaasarsiornikkut akiligassanullu malinnaaniaraluartunut tupinnaannartumik kipiluttunarpog. Pissutsit tamakku akuersaaginnarlugit ingerlasinnaajunnaarpugut. Aammalu avannaani qaleralinnianut atugassarititaasut ajorluinnartumik inisseqqapput, killilersuinerujussuit atuutsinneqarput, ilaatigullu tunitsivissaarullutik pisaminnik eqqaasut, sumi nunaqarpa inuussutissarsiutit pingaarnersaanik taamatut aqqissuussaangitsigisumik ingerlasumik? Tunisassiorfiit pisinnaasamikkut saperunik nalunaarniarlik asuli kisermaassiniarnersuaq piunnaarlugu!

Tunitsiveqarnikkut pisinnaasat amigarpata periarfissaajuartariaqarpoq umiarsuarnik tunitsiviliisinaanissaq. Tassami pingaartorujussuuvoq pisassat tamarmik qaqqinneqartarnissaat, nunarpummi aningaasanik amigaateqarpoq, aningaasannortissinnaasagullu tamavimmik qaqqinneqarlutik avammut tunisassiarineqartariaqarput. Tassami taamaliornikkut aalisartut aningaasarsiornerat pitsaanerujussuarmik ingerlalissaq killilersuinerujussuit qaangerneqarpata. Taakkuinnaanngillalli ajornartorsiutit.

Pisassat tamarmik maneruttorfiini aalisakkerivinni tunisassiorfinnilu sulisussaarttarneq akuersaaginnarsinnaajunnaarparput, aalisakkanik tunisassiorneq pingaarnersaatillugu taamatut ukiorpanni ingerlaaseqarnerput allanngorluinnartariaqalerpoq.

Inoqarfiit avataaniit sulisussanik tikisitsisinnaaneq eqqarsaatigisariaqalerparput, tassami aalisakkat aningaasarpassuarnik nalillit asuli eqqaannarneqarsinnaanngillat piisaarnersuarput taamaanga killeqartariaqalerpoq.

Suliffissaaleqisummi amerlaqaat.

Inuit nunatsinni sulisinnaasut tamarmik suliaartortariaqalerput taamaaliorinnaanngippata taava aalisakkerivinni sulisussanik inoqarfiit avataaniit tikisitsinissarput tassa saneqqunneqarsinnaajunnaarpoq.

Oqallilluarisi.

Hans Enoksen